

U raketiranju Homsa 110 mrtvih

9 februar 2012 Izmijenjeno 20:21 CET

Sirijska vlast ne odustaje od nasilnog gušenja pobune, koje je ponovno najžešće eskaliralo u Homsu

U tenkovskoj, minobacačkoj i raketnoj paljbi snaga predsjednika Bashara al-Assada na opkoljeni grad Homs, u četvrtak je poginulo najmanje 110 civila, objavili su aktivisti. "Tu spadaju i tri porodice čija tijela su iskopana iz ruševina kuća, tijela ljudi dovezenih u terenske bolnice i ljudi koji su danas preminuli od rana", javljaju lokalni koordinacioni odbori. Dok je u toku zatvaranje stranih ambasada u zemlji i povlačenje diplomatskih službenika, sirijska vlada ne odustaje od nasilnog gušenja pobune, koje je ponovno najžešće eskaliralo u Homsu, prenosi agencija Fena. Međunarodna zajednica i dalje pokušava pronaći način za rješenje sukoba u Siriji iako su Rusija i Kina odbile prihvatiti rezoluciju UN-a koju su prošlog vikenda zajedno predložile arapske i evropske države.

Žestoke borbe

Homs je po veličini treći grad u zemlji i najveće uporište pobunjeničkih snaga koje već 11 mjeseci odbijaju pokoriti se predsjedniku Basharu al-Assadu. Od petka je u sukobima u gradu i okolini ubijeno nekoliko stotina osoba. Najžešće borbe vode se u okrugu Baba Amr gdje je samo u četvrtak ubijeno 50 osoba.

MEDVEDEV I SARKOZY O SIRIJI

Predsjednici Rusije i Francuske, Dmitrij Medvedev i Nicolas Sarkozy, razgovarali su o situaciji u Siriji, na inicijativu francuskog predsjednika, objavila je informativna služba Kremlja.

Medvedev je obavijestio Sarkozyja o ishodu misije šefa ruske diplomatije Sergeja Lavrova u Damasku sa sirijskim predsjednikom i pozvao da se ne dopuste ishitreni jednostrani koraci u kontekstu veoma kompliciranog rada na reguliranju sirijske krize.

"Predsjednik Francuske informiran je o naporima Rusije da hitno bude prekinuto nasilje u Siriji - nastavkom započetih razgovora svih strana u sukobu u toj zemlji, kao i promocijom demokratskih promjena", saopćeno je iz kabineta Dmitrija Medvedeva.

Sarkozy je pozvao Medvedeva da u potpunosti podrži mirovni plan AL-a za Siriju, koji podrazumijeva odlazak sa vlasti Assada.

Francuski predsjednik je zatražio i da se ne dozvoli građanski rat, koji je prijetnja za cjelovitost Sirije i stabilnost cijelog regiona.

Sarkozy je istakao "neophodnost da se izvrši pritisak na sirijski režim da obustavi brutalnu represiju nad sirijskim narodom".

Oni su rekli da su bombardirana područja Baba Amro, Inšat, Kalidija, Al Bajada i Žuret al Šajah, prenosi Reuters.

Homs ima oko milion stanovnika. Prethodno je sirijska organizacija za zaštitu ljudskih prava, sa sjedištem u Velikoj Britaniji, saopćila da je 12 ljudi poginulo u Baba Amru i još jedno lice u Kalidiji.

U Siriji je, prema informacijama organizacija za ljudska prava, od izbijanja pobune prije 11 meseci poginulo oko 6.000 ljudi.

Aktivisti i stanovnici Homsa izvijestili su o stotinama žrtava u posljednjih sedam dana, u do sada najvećem napadu na grad od početka ustanka protiv Assada u martu prošle godine. Ustanak je počeo uličnim protestima, ali se ubrzo se pretvorio u oružanu pobunu širom zemlje.

U Siriji je, prema informacijama organizacija za ljudska prava, od izbijanja pobune prije 11 meseci poginulo oko 6.000 ljudi. Generalni sekretar Ujedinjenih naroda (UN) je izjavio ranije da Arapska liga (AL) namjerava ponovno pokrenuti svoju kontroverznu posmatračku misiju u Siriji, najavivši da bi UN mogle podržati zajedničku inicijativu.

Konsultacije u Vijeću sigurnosti

Ban Ki-moon je novinarima u srijedu izjavio da mu je šef AL-a izložio plan za ožvljavanje misije, tražeći zajednički rad s UN-om.



Turska preuzima intenzivne aktivnosti [AFP]

Taj potez dolazi u vrijeme kada sirijske snage nastavljaju nemilosrdan napad na grad Homs, ubijajući veliki broj ljudi, prema navodima aktivista. Ban je rekao da je u utorak telefonom razgovarao s Nabilom al-Arabijem, generalnim sekretarom AL-a. "On me je obavijestio da namjerava poslati posmatračku misiju AL-a natrag u Siriju i zatražio pomoć UN-a", kazao je Ban. "On je dalje predložio da razmotrimo mogućnost zajedničke posmatračke misije u Siriji, uključujući zajedničkog specijalnog izaslanika. "Generalni sekretar UN-a rekao je da će se konsultacije održati s članovima Vijeća sigurnosti UN-a u narednim danima, "prije objavljivanja drugih pojedinosti".

Turska je ranije saopćila da planira organizirati međunarodnu konferenciju regionalnih i svjetskih silama, a Evropska unija (EU) prijeti nametanjem strožih sankcija Siriji.

U vrijeme dok traju diplomatske aktivnosti, aktivisti navode da je vojska granatirala opoziciona naselja i da su tenkovi ušli u kvart Inšaat, približivši se Bab Amru.

Veto katastrofalan

Aktivist iz Bab Amra kazao je za Al Jazeera da je taj kvart na udaru već nekoliko dana. "Vojska nas granatira raketama, minobacačima i koristeći ruske tenkove", rekao je on. "Tenkovima pokušavaju provaliti u kvart Bab Amr. "Aktivist Hadi al-Abdallah, kazao je da je više od 50 ljudi poginulo tokom noći u srijedu u centru grada. "Neka područja su potpuno [opkoljena]. Nema interneta, ne rade telefonske ni mobilne linije", rekao je al-Abdallah.

Vojska nas granatira raketama, minobacačima i koristeći ruske tenkove.

On je rekao da nije bilo odmazde od strane snaga opozicije, jer su vladine snage vršile granatiranja sa položaja udaljenih nekoliko kilometara.

Ban je izjavio da je neuspjeh Vijeća sigurnosti UN-a da izglasa rezoluciju o Siriji bio "katastrofalan" po sirijski narod, što pokazuje porast broja mrtvih. "To je ohrabrilo sirijsku vladu da pojača rat protiv svog naroda", kazao je Ban nakon brifinga u Vijeća sigurnosti o događajima na Bliskom Istoku, prenosi AFP.

Izvor: Al Jazeera